

續修曲阜縣志

孔昭曾
謹署



續修曲阜縣志卷五

政教志

實業六

農業
各種實業

林業
工商業

農業

本縣農作物以小麥大豆爲大宗稷粟次之花山生芋又次之棉花芝麻爲最少城南沂河北岸有水田百餘畝產香稻爲縣內特產

林業

石門山舊有雜樹三萬餘株民國八年添栽三千餘株民國十八年創修中山林添栽柏樹八千餘株樹木叢雜望之蔚然深秀

九仙山舊有雜樹一萬餘株民國十四年添栽柏樹五百株當經款產員查明確數呈報縣政府備案

東郭外迎春場植洋槐數百株東門及南門外沿城濠一帶種桑數百株均異常繁

曲阜縣志 卷五
盛饒有風景

泉上村彭甲雯呈准在古城壑外種植桃樹數百株春來花開燦爛可觀

民國以來政府提倡林業規定清明日爲植樹節十八年又改定以孫總理逝世紀念日爲植樹節是日由各縣建設局籌畫種植曲阜境內劃定林場三區第一林場在北古城崗第二林場在東南十八里防山第三林場卽中山紀念林在城北五十里石門山

工商業

本縣人民資財短絀故私人方面無一工廠之設民國二十一年省政府建設廳令設平民工廠一處廠址在城內三省街內置有鐵機四架木機一架襪機二台招集工徒十餘人織造各種實用物品二十三年又奉令改稱民生工廠廠址仍舊

境內農民居多商業智識素稱缺乏又因縣城距車站較遠交通不便而境內更無大宗物產之運出故財源短澁市面頗呈蕭條景象城內如此鄉鎮可知就全縣商

業而論有急待發展之必要

各種實業

城西姚村一帶鄉民以編織涼蓆蓆帽爲大宗手工編織多以婦女爲之原料以高粱楷用刀破開編織粗細蓆類近年出產較前加倍利亦加增

泗河兩岸多製造綠豆粉及粉皮粉條條細如絲皮圓如月官莊之小粉皮把粉製造尤精用作禮物贈及遠人頗稱佳品

紙坊村以製造桑皮紙爲專業獲利甚厚

楊家院峪口村瓦窰頭均產陶器城西北大莊燒磚瓦者亦多惜皆沿用舊法不知改良故僅能維持生活而不能發達業務

城內鼓樓街木作鋪刻製楷木如意手杖極精良可作贈品

續修曲阜縣志

政教志

交通七

郵政 汽車路 電報路 鐵路 電話 路政

郵政

曲阜郵政局沿革一覽表

開辦日期 前清光緒二十七年九月二日開辦郵政支局

宣統元年改爲二等郵局

代辦所二處 姚村 吳村

信櫃六處 王莊 息陬 董家莊 小薛 西岩店 南陶洛

郵路 曲阜臨沂第四十一路計長三四二華里

業務 收寄及投遞國內國際 信函 明信片 印刷品 貿易契

商務傳單 普通包裹

匯兌

宣統元年開辦普通匯兌

民國二年開辦兌付國際匯票

民國十八年開辦兌付小款匯票

民國十九年開辦兌付航空匯票

民國二十二年開辦兌付電報匯票

代物主收價包裹 宣統元年開辦

村鎮事務 民國八年開辦村鎮環行路投攬鄉村郵件

郵政儲金 民國十五年開辦存簿儲金

郵電合局辦公 民國二十三年七月十五日郵電合設一櫃

歷任局長姓名 吳岱庚 宋自新 沙毓泗 樊應賓 葉慶雲

電報

曲阜電報支局

曲阜電報局原名曲阜電報房成立於民國十二年七月任郭鑫城爲報房領班王均爲電務員綫路共三條一通濟南一通兗州一至曲阜車站十三年冬王均調往曹縣十四年五月郭領班調往濟南交通部調派嚴昌漢充任領班嗣於十五年春紅槍會匪搗毀車站遂與車站停止通報迄未恢復工作及至十七年春革命軍北伐告成卽將報房名義取消改爲曲阜電報支局加委嚴昌漢爲主任鄧光璩爲報務員二十三年四月添設綫路一條成立長途電話由電局並辦六月間又奉交通部令郵電合設限於七月一日實行當經積極籌備已於七月十五日遷設完竣實行郵電合局辦公

曲阜吳村電報支局

吳村電報支局於二十二年六月成立交通部委任鄧光瑚爲主任二十三年四月添設長途電話是年六月復奉部令郵電合設七月底吳村郵寄代辦所改由電報局兼辦

電話

山東建設廳以傳達政令便利商民架設全省長途電話成立各縣分局曲阜成立於民國二十年四月先架通至滋陽線路計長二十五里繼架通至泗水線路計長二十五里是年十月復架成泰安線路計長五十五里（均按至交界算）至話務之管理係分因公與營業凡規定之各機關傳遞政令而通話者謂之因公通話概不收費營業通話係按線路及空間之距離而定收費之多寡

本縣電話於民國二十年冬開始架設至翌年春始告完成

電杆線路約計九九六公里電線約計一五九公里城關通話者計有縣政府第三科第四科第五科民團大隊部公安局縣黨部第一區公所商會村鎮通話者計有姚村三區公所西辛莊四區公所陵城小雪息陬陶洛舊縣五區公所衡廟二區公所董家莊吳村站歇馬亭等處

路政

縣道有四計曲鄒道長十八里由曲阜至鄒縣大道曲泗道長十八里係由曲阜至泗水大道曲寧道長二十五里由曲阜至寧陽大道曲滋道長三十里係由曲阜至滋陽大道亦爲臨滋汽車路之一段以上四路均爲前建設局及現第四科先後劈劃修築雖係土路亦頗稱平坦

鎮道有七計曲羊道長四十六里由本城至羊廠大道曲戴道長十八里係由本城至戴莊大道曲陵道長十八里由本城至陵城大道曲郭道長三十五里由本城至郭家店大道衡姚道長二十七里由衡廟至姚村大道曲田道長四十五里由本城至田家莊大道山北道長三十里由西山子至北焦溝大道以上七路均爲前建設局與現第四科先後劈劃修築此外尚有村道一百餘條所關甚輕不及贅述

汽車路

民國十六年五月修築濟徐汽車路自濟南至徐州縱貫邑之西境爲張宗昌督魯時行軍所用今已廢

山阜縣志 卷五
民國二十年修築滋曲汽車路自滋陽至曲阜計長三十里中外人士來曲瞻謁林廟者多由此道

鐵路

光緒三十四年正月修築津浦鐵路由縣境通過境內車站有二一在吳村距城三十五里一在姚村距城十八里

光緒三十四年正月修築津浦鐵路由縣境通過境內車站有二一在吳村距城三十五里一在姚村距城十八里

續修曲阜縣志

政教志

卹政八

獨卹

慈善

獨卹

清季每遇旱澇災侵常頒明令或免徵或緩徵卽所謂恩卹之典也民國以來凡本縣人民在外充當兵士受傷或陣亡呈報核准者由上級官廳發給該受傷人或故兵家屬令向本縣呈請卽頒發卹金以示體恤

慈善

牛痘一種爲害甚烈少有不慎險逆百出民國紀元經衍聖公孔令貽蔣志堅孔繁潔孔祥霖尤文田孔繁裕吳廷玉顏錫均陳慶彬孔慶鋈鄧文湘等公議捐資籌設機關施種牛痘聘任滋陽蔡筱山主其事改良種法二十年來所全實多蔡筱山少習岐黃從美國人濟南醫院院長聶貴東遊卒業後實習十年至是經理此事迄今

二十年頗著成效後復約集同人教以新法繼續其傳其濟世活人之心有足多者嗣于二十三年秋同人等爲立石歷叙經過情形以作紀念

世界紅卍字會於民國十一年成立設總會於北京各省市縣設立分支會曲阜分會十三年張濟康創設所有會員均鹽務人員迨張故後鹽店改組會亦中輟民國十七年國軍北伐道經曲阜又置饑歲鄉民待賑孫培德尹鳳鳴孫培源蔣銓等重行組織籌辦賑糧設施診所及宏德小學推孫培德爲會長民國十九年曲阜圍城之役兵民傷亡甚衆設立臨時醫院推孫培厚爲院長蔣志敦孫錫鑑爲副醫治兵民千餘人同時成立第十八救濟隊尹鳳鳴爲隊長孔繁滄爲副隊員十餘人掩埋城廂死屍八百餘具並赴泰安甯陽汶上出發救濟在汶上並放賑款千餘元二十年改組推蔣銓尹鳳鳴王有第等爲會長用會議制滬戰發生岱南各分會合組第六救濟大隊第一分隊未出發而戰事告終以上所有經費救濟費除由會員担負外向總分會籌募本會爲純粹慈善團體毫無政治關係

民國十七年春曲阜荒旱吳廷玉在保定道尹任內請假回籍攜款二千圓籌放急賑交曲阜縣署由邑宰劉峙籌放嗣回直隸又籌紅糧二千袋專車運曲補行散放全活災民甚衆子培鑫署直隸新城縣知事聞本邑災情重大亦派人馳送曲阜大洋一千圓仍由劉峙散放計前後共交曲阜縣署大洋三千圓紅糧二千袋均有案可稽

前清光緒戊戌變政提倡新法令各省開辦學堂適陳憲鎔由日本留學回國乃商之其母金氏在自己私宅創辦幼幼小學一處一切經費自行籌備不數年而成績卓著山東學院連甲獎給陳金氏匾額一方文曰魯校慈雲至今仍懸掛其門云民國十七年上海濟生會來曲浚洙鑿池覓泉挖河築堤由洙源至沂口約長六里又以沂河涯地勢窪下於涯北重建新堤密布木椿用土培厚併有石碑題記誠善舉也

治城南四里有拱雲橋係南北通衢不知建自何時終清之世重修六次均有碑記

山巨縣志 卷五
至光緒六七年間橋梁冲毀經增貢生陳廷藻庠生牛肇輝二君提倡募捐不辭勞瘁加意督修異常鞏固工甫竣二君相繼捐館民國初造河水暴發折摧橋梁數孔南首雁翅冲開深溝丈餘懸崖峭壁行人浩嘆多有返駕者附近人士屢議續修以工程浩大所費不貲俱有難色陳君秉讓慨任巨款開工諸費需錢若干先行墊支俟捐款收齊再行補還民國三年正月開工橋孔三十處均墊高一層鋪海漫石若干丈換橋板若干塊四閱月而工告竣不意是歲歉收募款未能彙齊支出而無從補還者計有兩千餘緡陳亦弗索也工成而陳遽歸道山吁若三君者皆未及立石流芳於世特書此以誌其懿行云

民國十九年七月一日晉軍禍魯兵圍曲城經十晝夜炮火不絕屍橫遍野血滿河池兼又炎暑之際臭氣難聞深恐疫氣發生甚於猛虎無法救濟夏際虞有鑒於此商承縣長郭俊卿黨委毛儀庭等召集各機關開會研究擬組設防疫公所所以資預防而救生命正籌劃間旋蒙中央賑務委員會派來張委員等三人來曲視察災後

情形並攜帶防疫各種藥品放賑餘款洋二百餘圓又由泗水鄒縣滋陽及本縣各慈善家捐洋百餘圓本所事務股同人孔實君孔鑄卿孔康侯顏仲翔等又各捐洋數十圓經費籌定當卽組織成立定名爲曲阜災後防疫公所自七月二十六日起至二十年一月底止計治愈二萬三千五百餘人死亡者僅十餘人均有案可稽劉清沂於民國十九年組織鄒魯濟貧會附設濟貧工廠織工會及息訟戒烟等會

